



CONCELLO DA POBRA DO BROLLÓN.

RAFAEL CASTILLO REBOIRO, SECRETARIO DO CONCELLO DA POBRA DO BROLLÓN. (LUGO).

CERTIFICO.- Que pola Xunta de Goberno Local do Concello en sesión ordinaria celebrada o día trece de setembro de dous mil once, adoptáronse os acordos que figuran no...

...BORRADOR DA ACTA DA SESIÓN ORDINARIA CELEBRADA POLA XUNTA DE GOBERNO LOCAL DO CONCELLO O DÍA TRECE DE SETEMBRO DE DOUS MIL ONCE.

José Luís Maceda Vilarifo
Manuel González Moreira
José Luís Rodríguez Franco
Ricardo Rodicio González

No Salón de Sesións da Casa Consistorial do Concello da Pobra do Brollón, sendo as nove horas do día trece de setembro de dous mil once, e baixo a presidencia do Alcalde, José Luís Maceda Vilarifo, reuníronse os Concelleiros que se relacionan á marxe, en total coa Presidencia catro, para celebrar sesión ordinaria da Xunta de Goberno Local do Concello.

Reboiro, que dá fe do Acto.

Asiste como Secretario quen o é da Corporación, Rafael Castillo

Sendo a hora indicada, pola Presidencia declárase aberta a sesión e éntrase no estudio da seguinte

ORDE DO DÍA:

1º.- APROBACIÓN, NO SEU CASO, DE ACTAS ANTERIORES.

Por unanimidade acórdase a aprobación da acta da sesión celebrada pola Xunta de Goberno Local o día dezasete de agosto de dous mil once.

2º.- DEVOLUCIÓN DE PREZO PÚBLICO.

+ Dáse conta da seguinte proposta da alcaldía:

Vista a solicitude do interesado e a xustificación que xunta, propoño á Xunta de Goberno Local a adopción do seguinte acordo:

- *Aprobar a devolución a D. Manuel González Marzabal con D.N.I. número 34.215.535-F do importe de vinte euros (20,00€) satisfeito como prezo público por unha actividade á que non puido asistir.*

Sometida a votación a anterior proposta, por unanimidade acórdase a súa aprobación.

3º.- LICENZAS.

+ Dáse conta da seguinte proposta da Alcaldía:

Vista a solicitude dos interesados e o informe do técnico municipal, propoño á Xunta de Goberno Local que adopte o acordo seguinte:

1.- Autorizar á Asociación de Veciños Santa María da Cabeza con CIF G-27196948 representada por D. David López Goyanes, con D.N.I. número 76616236-Q para a instalación dun parque biosaudable e mobiliario na parroquia de Castroncelos, lugar da Estación (parcela 75 do polígono catastral 37).

2.- A execución das obras realizarase de acordo coas condicións que no seu informe establece o técnico municipal.

3.- Esta licenza, que se concede salvo dereitos de propiedade e sen prexuízos a terceiros, carecerá de valor sen o ingreso previo nas arcas municipais do importe da liquidación provisional por sesenta euros con corenta e catro céntimos (60,44€) que obra no expediente.

Sometida a votación a anterior proposta, por unanimidade acórdase a súa aprobación.

+ Dáse conta da seguinte proposta da Alcaldía:

Vista a solicitude dos interesados e o informe do técnico municipal, propoño á Xunta de Goberno Local que adopte o acordo seguinte:

1.- Autorizar a Díaz Carpente S.C. con C.I.F. número J-27.335.207 representada por D. José Díaz Fernández, con D.N.I. número 34.264.384-L para a ampliación de corte e construción de almacén e esterqueira no lugar de Lama, parroquia de Eixón deste termo (parcela 54 do polígono catastral 13).

2.- A execución das obras realizarase de acordo coas condicións que no seu informe establece o técnico municipal.

3.- Esta licenza, que se concede salvo dereitos de propiedade e sen prexuízos a terceiros, carecerá de valor sen o ingreso previo nas arcas municipais do importe da liquidación provisional por oitocentos oitenta e seis euros con noventa e catro céntimos (886,94€) que obra no expediente.

Sometida a votación a anterior proposta, por unanimidade acórdase a súa aprobación.

4º.- SOLICITUDES DE SUBVENCIÓN Á XUNTA DE GALICIA.

+ Dáse conta da seguinte proposta da alcaldía:

Nos últimos anos o Concello conta cunha persoa contratada como axente de emprego e desenvolvemento local, servizo subvencionado pola Xunta de Galicia. A importancia dos traballos que desenvola aconsellan que unha vez máis se manteña dito servizo. En consecuencia propoño a adopción do seguinte acordo:

1.- Aproba-lo proxecto de funcionamento no Concello da Pobra do Brollón do servizo de axente de emprego e desenvolvemento local.

2.- Solicitar da Consellería de Traballo e Benestar da Xunta de Galicia, ó abeiro da orde de 29 de xullo de 2011 da (D.O.G. número 157/2011 de 18 de agosto) una subvención por importe do 80% dos custos do proxecto aceptando integramente as condicións de financiamento que figuran na expresada orde e as que no seu caso se determinen na resolución pola que se conceda a subvención.

3.- Comprometerse a financiar con cargo ó orzamento do Concello a parte dos custos non subvencionados pola Consellería.

4.- Dar conta deste acordo ó Pleno do Concello na seguinte sesión que celebre para a súa ratificación.

Sometida a votación a anterior proposta, por unanimidade acórdase a súa aprobación.

5º.- ALUMEADOS PÚBLICOS.

+ Dáse conta da seguinte proposta da alcaldía:

Vista a solicitude de colocación dun novo punto de luz no lugar de Cima de Vila, 12, parroquia de Cereixa, e tendo en conta que nese lugar existe un alumeado público ao longo da estrada Lu-652 de Bóveda á Estación da Pobra do Brollón ao seu paso por Cereixa formado por lámpadas aliñadas que ilumina perfectamente todo o espazo público da estrada e as beirarrúas, e que o espazo que se pretende iluminar é de propiedade privada, propoño á Xunta de Goberno Local a adopción do seguinte acordo:

- *Rexeitar a solicitude presentada por D^{na}. María Jesús Domínguez Casanova con D.N.I. número 38.052.654-H para a instalación dun punto de luz no lugar de Cima de Vila 12, parroquia de Cereixa, polas razóns indicadas.*

Sometida a votación a anterior proposta, por unanimidade acórdase a súa aprobación.

Non habendo máis asuntos de que tratar, levántase a sesión pola Presidencia cando son as nove horas e trinta minutos do mesmo día, de todo o cal eu, Secretario, dou fe.

Así resulta do Borrador da Acta da Sesión a que me refiro, e para que conste ós efectos oportunos, e coa salvidade prevista no artigo 206 do Regulamento de Organización, Funcionamento e Réxime Xurídico das Corporacións Locais, expido a presente de orde e co visto e praxe do Alcalde na Pobra do Brollón a vinte de setembro de dous mil once.

v. e pr.

O Alcalde,

